

校正醫宗金鑑

內科

醫宗金鑑內科目錄

第七冊

卷二十四 禽獸蟲魚雜忌第二

十四 果食菜穀雜忌第二

十五

卷二十五 正誤 存疑

卷二十六 計二十五方

獨參湯起至硃砂安神丸止

卷二十七 計二十五方

補中益氣湯起至五味子散止

卷二十八 計二十四方

續命湯起至香薷飲止

卷二十九 計二十七方

黃連解毒湯起至外臺飲止

醫宗金鑑卷二十四

訂正仲景全書金匱要略註下之三

金匱要略廿四廿五兩門原列在卷末其文似後人補入註家或註或刪但傳世已久難以刪去仍附原文另為一篇以存參考云

禽獸魚蟲禁忌并治第二十四

凡飲食滋味以養於身食之有妨反能為害自非服藥煉液焉能不飲食乎切見時人不閑調攝疾疫競起若不因食而生苟全其生須知切忌者矣所食之味有與病相宜有與身為害若得宜則益體害則成疾以此致危例皆難療凡煮藥飲汁以解毒者雖云救急不可熱飲諸毒病得熱更甚宜冷飲之

肝病禁辛心病禁鹹脾病禁酸肺病禁苦腎病禁甘註此言五藏有病而禁之以五味何也肝木病若與之以辛辛助肺氣恐尅肝也故肝病則禁辛心火病若與之以鹹鹹能益水恐水尅火也故心病則禁鹹脾土病若與之以酸酸味屬肝恐木尅土也故脾病則禁酸肺金病若與之以苦苦味屬火恐火尅金也故肺病則禁苦腎水病若與之以甘甘能補脾脾主尅水故腎病則禁甘

春不食肝夏不食心秋不食肺冬不食腎四季不食脾辨曰春不食肝者為肝氣旺脾氣敗若食肝則又補肝脾氣敗尤甚不可救又肝王之時不可死氣入肝恐傷魂也若非王時即虛以肝補之佳餘藏準此註此言四時有宜食有不宜食者如春為肝王則脾弱故宜食脾而不宜食肝若食肝則肝益王而脾更弱故曰不可救又云肝王之時不可以死氣入肝即內經毋伐天和之意若伐天和則傷肝肝主魂恐復傷魂也若非王時即虛虛則以肝補肝故謂之佳餘藏準此

凡肝藏自不可輕噉自死者彌甚註謂諸畜獸臨殺之時心有所驚肝有所忿食之俱不利故曰不可輕噉如獸自死者必中毒而死更不可食也

凡心皆為神識所舍勿食之使人來生復其對報矣註人與物雖別而貪生畏死之心則一也惟其心為神識所舍故曰勿食之

凡肉及肝落地不著塵土者不可食之 猪肉落水浮者不可食

諸肉不乾火炙而動見水自動者不可食之 六畜肉熱血不斷者不可食之

諸五藏及魚投地塵土不汚者不可食之 註以上五條皆怪異非常必不可食之

諸肉及魚若狗不食鳥不啄者不可食之 註凡禽獸不食之肉必有毒不可食之

肉中有如朱點者不可食之 註朱點惡血所聚此因色惡不食也

父母及本身所屬之相不可食食之令人神魂不安 註此為仁人孝子之心也

食肥肉及熱羹不可飲冷水 註食肥肉熱羹後繼續飲冷水冷熱相搏臍膈不行不腹痛吐利必成痞變積慎之慎之穢

飯餒肉臭魚食之皆傷人 註言敗腐之物皆不宜食也

自死禽獸口閉者不可食之 註凡自死之物其肉皆有毒口閉則毒不得外泄切不可食

六畜自死皆疫死則有毒不可食之 註疫毒能死六畜其肉必有疫毒故不可食

獸自死北首及伏地者食之殺人 註凡獸北向自死及死不僵而伏地者食之多殺人

食生肉飽飲乳變白蟲 註食生肉飽即飲乳酪則成濕熱必變生白蟲

疫死牛肉食之令病洞下亦致堅積宜利藥下之 註疫死牛肉有毒不可食食之若洞瀉為其毒自下或致堅積宜下

藥利之

脯藏米甕中有毒及經夏食之發腎病 註脯肉藏米甕中受溼熱鬱蒸之氣及經夏已腐者食之腐氣入腎故發腎疾

治自死六畜肉中毒用黃蘗搗屑取方寸匕服 註六畜自死肉中有毒中其毒者以此方服之苦能解毒也

治食鬱肉漏脯中毒方 燒犬屎酒服方寸匕 每服人乳汁亦良 飲生韭汁三升亦得 註鬱肉密藏經宿之肉也

漏脯經漏水之脯也食之中毒以燒犬屎人乳汁生韭汁量其輕重而解之

治黍米中藏乾脯食之中毒方 大豆濃煮汁飲之數升即解亦治狸肉漏脯等毒 註同上鬱肉大豆汁亦能解毒

治食生肉中毒方 掘地深三尺取其下土三升以水五升煮數沸澄清汁飲一升即愈 註地漿能解諸毒掘得黃

土有泉滲出謂之地漿三尺大概言也未見黃土皆穢土得黃土乃可取用

治食六畜鳥獸肝中毒方 水浸豆豉絞取汁服數升愈 註食禽肉獸肝中毒在胃故用豆豉涌吐其毒

馬脚無夜眼者不可食之 夜眼一名 註凡馬皆有夜眼若無者其形異故勿食之

食酸馬肉不飲酒則殺人 註馬肉味酸有毒故飲酒以解之

馬肉不可熱食傷人心 註馬屬火肉熱火甚恐傷心當冷食之

馬鞍下肉食之殺人 註鞍下肉久經汗漬有毒食之殺人

白馬黑頭者不可食之 註食療云食之令人癩

白馬青蹄者不可食之 註白馬青蹄騎之不利人食之必取害故不可食

馬肉純肉共食醉飽卧大忌 註馬肉屬火純肉屬水共食已屬不和若醉飽即卧則傷脾氣故曰大忌

驢馬肉合猪肉食之成霍亂 註諸肉雜食恐難消化亂於腸胃故成霍亂

馬肝及毛不可妄食中毒害人 註漢史云文成食馬肝而死故曰不可妄食恐中其毒也

治馬肝毒中人未死方 馬肝一名懸雄 雄鼠屎二七粒末之水和服日再服 註馬食鼠屎則腹脹是鼠能制馬也故中馬

肝毒以此解之

又方 人垢取方寸匕服之佳 註人垢即人頭垢也用方寸匕酒化下得吐為佳

治馬肉中毒欲死方 香豉和 杏仁兩 右二味煮一食頃熟將之服日再服 方日華子云黑豆調中下氣治牛

馬瘟毒杏仁下氣氣下則毒亦解矣

又方 煮蘆根汁飲之良 方蘆根味甘性寒解諸肉毒

疫死牛或目赤或黃食之大忌 註牛疫死目或赤或黃疫毒甚也大忌食之

牛肉共猪肉食之必作寸白蟲 註牛肉共猪肉食之脾胃濕熱者能生寸白蟲當戒之

青牛腸不可合犬肉食之

牛肺從三月至五月其中有蟲如馬尾割去勿食食之損人 註凡牛腸肺值三月至五月淫熱交蒸之時必生其蟲戒

勿食之

牛羊猪肉皆不得以楮木桑木蒸炙食之令人腹内生蟲註古人煉藥多用桑柴火楮實子能健脾消水楮木亦可燒用何以蒸炙諸肉食之即生蟲乎其或物性相反也

噉蛇牛肉有毒食之殺人不可食註噉蛇牛何以識認惟毛髮向後順者是也

治噉蛇牛肉食之欲死方 飲人乳汁一升立愈 以泔水洗頭飲一升愈 牛肚細切水一斗煮取一升煖飲之大

汗出愈註人乳能解馬肝牛肉之毒用頭垢吐其毒而愈用牛肚不甚善

治食牛肉中毒方 甘草煮汁飲之即愈 鰾甘草味甘能解百毒

羊肉其有宿熱者不可食之註羊肉性熱若其人有素熱者忌食之

羊肉不可共生魚酪食之害人註羊肉熱與生魚酪乳共食必不益人也

羊踠甲中有珠子白者名羊懸筋食之令人癩按此義未詳

白羊黑頭食其腦作腸癰註諸腦有毒惟此羊腦食之作腸癰

羊肝共生椒食之破人五藏註羊肝生椒皆屬於火共食恐損傷人五藏也

猪肉共羊肝和食之令人心悶註猪肉滯羊肝膩共食則氣滯而心悶矣

猪肉以生胡荽同食爛人臍註胡荽與猪肉不可同食者恐動風疾爾云爛人臍此義未詳

猪脂不可合梅子食之註猪脂滑利梅子酸澁性相反也故不可合食

猪肉合葵食之少氣按此義未詳

鹿肉不可合蒲白作羹食之發惡瘡註鹿肉性溫九月至正月堪食他月食之則冷痛如和蒲作羹食之發惡瘡此義

未詳

麋脂及梅李子若厚婦食之令子青盲男子傷精註李延曰人目以陰為體以陽為用麋陰獸也梅及李味酸苦亦屬

陰類厚婦三物合食則陰氣太盛陽氣絕少故令子青盲也男子精氣宜溫煖陰盛則精寒本草云麋脂令陰痿按麋

蹠下有二竅名為夜目淮南子云厚婦見麋而生子四目今三物合食令子青盲皆物類相感胎教慎之

麋肉不可合鰕及生菜梅李果食之傷人註麋肉性溫八月至十一月食之勝羊肉餘月食之動氣鰕能動風生菜梅

李動痰合食之皆令人病

白犬自死不出舌者食之害人註凡犬死必吐舌惟中毒而死其舌不吐毒在內也故食之害人

痼疾人不可食熊肉令終身不愈註人有痼疾不可食熊肉因熊性猛悍食之痼疾永除

食狗鼠餘令人發癰瘡註狗鼠食物有餘存者其物必有涎滴因涎有毒人若食此物必發癰瘡

治食犬肉不消心下堅或腹脹口乾大渴心急發熱妄語如狂或洞下方杏仁一升合皮以沸湯三升調和取汁

分三服利下兩片大驗註此以相畏相制之義也犬肉畏杏仁故用此而諸證悉除矣

婦人妊娠不可食兔肉及鼈雞鴨令子無聲音註妊娠食兔肉令子缺唇食鼈肉令子短項食羊犬令子多熱食雞鴨

令子無聲音此數者妊婦皆不當食也

兔肉不可合白雞肉食之令人面發黃註兔肉酸寒多食損元氣絕血脈令人萎黃白雞雖得庚金太白之象實屬風

木能助肝火二物合食動脾氣而發黃故不可合食

兔肉著乾薑食之成霍亂註兔肉酸寒陰性也乾薑辛熱陽性也性味相反同食者必成霍亂

凡鳥自死口不閉翅不合者不可食之註諸鳥自死必閉口欽翅若開口張翅恐有毒不可食

諸禽肉肝青者食之殺人註肝青者被毒所傷若食之必殺人

雞有六翮四距者不可食之註雞有六翮四距者有毒不可食

烏雞白頭者不可食之註色有不相合者有毒不可食

雞不可合葫蒜食之滯氣註雞蒜同食能動風動痰風痰發動故氣滯

山雞不可合鳥獸肉食之註山雞食蟲蟻有毒與鳥獸肉相反故戒合食

雉肉久食令人瘦註雉肉小毒發瘡疥生諸蟲以此則令人瘦

鴨卵不可合鹽肉食之註二物性寒發冷氣不可合食

雀肉不可合李子食之註雀肉性煖大溫李子性寒味酸溫得寒酸而滯氣故不可合食

婦人妊娠食雀肉飲酒令子淫亂無恥註雀之性淫酒能亂性妊娠當戒食之古慎胎教也

燕肉勿食入水為蛟龍所噉註蛟龍嗜燕人食燕者不可入水雷公曰海竭江枯投游波而立泛以蛟龍嗜燕故也凡渡江海者切不可食燕肉

鳥獸中有毒箭死者其肉有毒解之方 大豆煮汁及鹽汁服之解 方箭傷有毒凡鳥獸被箭死者肉毒人食之先服鹽汁次服豆汁解不及者死

魚頭正白如連珠至脊上食之殺人

魚頭中無腮者不可食之殺人

魚無腸膽者不可食之三年陰不起女子絕生

魚頭似有角者不可食之

魚目合者不可食之 註以上皆怪異之形色必有毒也

六甲日勿食鱗甲之物 註六甲值日食鱗甲物犯其所忌故曰勿食

魚不可合雞肉食之 註魚屬木善動雞屬火生風風火相煽故勿合食

魚不得合鸕鷀肉食之 註鸕鷀嗜魚凡物相制相犯者皆不可合食

鯉魚鮮不可合小豔薑食之魚子不可合猪肝食之害人 小豔薑即小豔菜也

鯉魚不可合大肉食之

鯽魚不可合猴雞肉食之

鯽魚合鹿肉生食令人筋甲縮

青魚鮮不可合胡荽及生葵并麥醬食

鮓鱈不可合白犬血食之 註以上六條皆能助熱動風合食俱不宜

龜肉不可合酒菓子食之 註龜多神靈不可輕食若酒菓合食更非所宜也

鸞目四陷者及腹下有王字形者不可食之其肉不得合雞鴨食之 註鸞無耳以目為聽目四陷及腹有王字形者皆

有毒慎之性與雞鴨相反故不可合食

鰕龜肉不可合葷菜食之註龜龜皆與葷菜相反若合食之則必成瘕

鰕無鬚及腹下通黑煮之反白者不可食之註無鬚腹黑反白者怪異之鰕也故不可食

食膾飲乳酪令人腹中生蟲為瘕註膾乃牛羊魚之腥蟲而切之為膾乳酪酸寒與膾同食則生蟲為瘕故戒合食膾

食在胃不化吐不出速下除之久成瘕病治之方 橘皮而 大黃而 朴硝而 右三味以水一大升煮至小升頓

服即消 方橘皮解魚毒得硝黃使下從大便而出也

食膾多不消結為瘕病治之方 馬鞭草 右一味搗汁飲之 或以薑葉汁飲之一升亦消又可服吐藥吐之

方馬鞭草主治瘕癖血瘕破血殺蟲薑葉解毒皆可用之

食魚後食毒兩種煩亂治之方 橘皮濃煎汁服之即解 方橘皮味苦辛溫下氣通神故能解毒

食鰕鮫魚中毒方 蘆根煮汁服之即解 方鰕鮫即河豚魚味美其腹腴呼為西施乳頭無腮身無鱗其肝毒血殺

人脂令舌麻子令腹脹眼令目花惟蘆根汁能解之

蟹目相向足斑目赤者不可食之註蟹目相背若目相向足斑目赤者有毒故戒勿食

食蟹中毒治之方 紫蘇煮汁飲之三升 紫蘇子搗汁飲之亦良 冬瓜汁飲三升食冬瓜亦可 方紫蘇冬瓜俱

能解蟹毒故用之

凡蟹未遇霜多毒其熟者乃可食之註蟹未經霜有毒不可生食經霜則毒無

蜘蛛落食中有毒勿食之註蜘蛛有毒凡落食上不可食有毒故也

凡蜂蠅蟲蟻等多集食上食之致瘕註蟲類有毒凡蟲集食上者食之則致瘕

果實菜穀禁忌并治第二十五

內經曰天食人以五氣地食人以五味果實菜穀皆地產也又云五穀為養五果為充是以草實曰蘇木實

曰果禮云素曰新之粟曰撰之桃曰胆之粗梨曰攢之則治果實有法矣素菜斷壺紀字幽風芥醬毛羹以養父母則

用五菜有道矣牛宜稌羊宜黍豕宜稷犬宜梁雁宜麥則配五穀有方矣然其物有不宜常食者亦有不宜食者經云

陰之所生本在五味陰之五宮傷在五味人安可不知其所禁忌乎

果子生食生瘡註果生之性多濕多熱而有毒或生食之故令生瘡腹脹作泄

果子落地經宿蟲蟻食之者人大忌食之註凡果落地隔夜尚不可食而況蟲蟻食者乎見之者切不可食

生米停留多日有損處食之傷人註凡食之物停留多日或隔夜者若有損處即蟲鼠所嚙之餘皆有毒傷人

桃子多食令人熱仍不得入水浴令人病寒熱淋瀝病註桃味甘酸性熱若多食者令人熱入水浴者則濕與熱相搏

不得宣散故令人外寒熱內成癰症也

杏酪不熟傷人註杏味酸苦有毒酪釀未熟若食之恐害人也

梅多食壞人齒註梅味苦酸若多食者令人齒損齒者骨之餘也因腎主液而合骨故傷齒

李不可多食令人腹脹註李味酸澀若多食則中氣不舒故令人腹脹

林禽不可多食令人百脈弱註林禽味酸澀多食則令百脈不得宣放脈弱

橘柚多食令人口爽不知五味註尚書注小曰橘大曰柚二者其味皆酸而性寒若過食則口雖爽而五味不知焉

梨不可多食令人寒中金瘡產婦亦不宜食註梨味甘酸性寒若過食則令人中焦寒金瘡產婦更宜戒之

櫻桃若多食傷筋骨註櫻桃味甘酸性寒若過食則傷筋骨內經云酸則傷筋寒主傷腎故傷筋骨

安石榴不可多食損人肺註安石榴味酸澀酸澀則氣滯肺主氣宜利而不宜滯滯則傷損矣故不可過食也

胡桃不可多食令人動痰飲註程林曰胡桃潤肺消痰何以動痰飲因其性熱多食則令人火動煎熬津液而為痰飲

矣生棗多食令人熱渴氣脹寒熱羸弱者不可食傷人註棗性熱生渴味甘生滿羸弱者內熱必盛脾胃必虛故令

人寒熱尤不可食

食諸果中毒治之方 猪骨黑燂 右一味為末水服方寸匕亦治馬肝及漏脯等毒 魴以猪骨治果子毒物性相制

使然治馬肝毒者以猪畜屬水馬畜屬火此水剋火之義也治漏脯毒者亦骨肉相感之義耳

木耳赤色及仰生者勿食 菌仰卷者及赤色者不可食註木耳諸菌皆覆卷而生若仰卷而生形色皆異必有毒也

故不可食

食諸菌中毒悶亂欲死治之方 人糞汁飲一升 土漿飲二升 大豆濃煮汁飲 服諸吐利藥並解

蘇李廷

曰悶亂欲死毒在胃也服吐利藥並解使毒氣上下分消也

食楓樹菌而笑不止治之以前方鱗李超曰心主笑笑不止是毒氣入心也以前方治之則解耳
誤食野芋煩亂欲死治之以前方鱗李超曰煩出於肺煩亂欲死故知毒氣入肺也亦用前方

蜀椒閉口者有毒誤食之戟人咽喉氣病欲絕或吐下白沫身體痺冷急治之方 肉桂煎汁飲之 多飲涼水一二
升 或食蒜 或濃煮豉飲之並解 蜀椒味辛辣性熱有毒閉口者其毒更勝如桂與蒜皆大辛大熱之物通

血脈辟邪穢以熱治熱是從治之法也冷水清涼解熱地漿得土氣以萬物本乎土亦莫不復歸於土見土則毒已
化矣飲豉汁者吐以去其毒也

正月勿食蔥令人面生游風註蔥味辛散通陽氣而走頭面食生蔥過於發散故面生游風

二月勿食蓼傷人腎註蓼味辛散辛能走腎二月卯木主令腎主閉藏若食之則傷腎故曰勿食

三月勿食小蒜傷人志性註蒜辛熱有毒奪氣傷神三月陽氣盛故勿食

四月八月勿食胡荽傷人神註胡荽辛溫開竅四月陽氣盛八月陽氣斂若食此辛散之味必傷神也

五月勿食韭令人乏氣力註韭春食則香夏食則臭是月食之則乏氣力

五月五日勿食一切生菜發百病註五月五日中午節是日純陽人當養陽以順時若食生菜是伐天和故百病發焉

六月七月勿食茱萸傷神氣註茱萸辛熱走氣六月陽氣盛張七月陰微將斂若食此辛熱之味有傷神氣也

八月九月勿食薑傷人神註薑性熱味辛辣八九兩月秋主收斂過於辛散故傷人之神朱子晦菴云秋食薑天

年謂其辛走氣濕肺也

十月勿食椒損人心傷人脈註椒性熱味辛辣十月陽氣盡斂若食此辛熱之味必損心傷脈

十月勿食被霜生菜令人面無光目澀心痛腰疼或發心瘧瘧發時手足十指爪皆青困萎註道藏云六陰之月萬物

至此歸根復命以待來復不可食寒冷生菜性冷經霜則寒若食此是伐天和故有此等證

十一月十二月勿食薤令人多涕唾註薤味辛散走肺氣食之令人多涕唾

四季勿食生葵令人飲食不化發百病非但食中藥中皆不可用深謹慎之註脾旺寄於四時之季月生葵滑利傷脾

若食之則飲食不化而發百病

葱韭初生芽者食之傷人心氣註初生芽者含抑鬱而未透發故食之傷心氣

飲白酒食生韭令人病增註酒多濕非性熱濕熱相合令人病增

生蔥不可共蜜食之殺人獨顯蒜彌甚註蔥蒜皆不可共蜜食若共食令人利下

素合生蔥食之令人病按此義未詳

食糖蜜後四日內食生蔥韭令人心痛註蜜與蔥及韭蒜皆相反雖食蜜後四日內猶忌之若犯令人心痛

生蔥和雄雞白犬肉食之令人七竅經年流血註李杲曰此皆生風發火之物若合食則血氣更淖溢不和故七竅經

年流血

夜食諸薑蒜蔥等傷人心註此皆辛熱辣物夜屬陰氣主收斂不宜食而食之則擾陽氣故曰傷人心

蕪菁根多食令人氣脹註此言不可過食若過食則動氣而脹也

雞不共牛肉作羹食之成癰病非亦然註雞韭同牛肉食皆難化積而不消則成癰瘕

蕪菁多食動痔病註蕪性滑有毒滑而易下故發痔病

野苣不可同蜜食之作內痔註野苣味苦性寒若同蜜食必成內痔

白苣不可共酪同食作壅註白苣味苦性寒乳酪味甘性熱一寒一熱而成濕濕成則生蟲故曰不可食

黃瓜食之發熱病註黃瓜多濕有毒程林曰動寒熱虛熱天行熱病及病後皆不可食

葵心不可食傷人甚尤冷黃背赤背赤莖者皆勿食之註葵心有有毒背葉反常亦有毒不可食

胡荽久食之令多忘註胡荽辛溫開竅久食耗心血故令人多忘

病人不可食胡荽及黃花菜註胡荽耗氣黃花菜破氣耗血皆病人忌食

芋不可多食動病註芋帶有毒素多食則脾困而脹生故戒多食

妊娠食薑令子餘指註餘指手多一指也薑形類指物性相感如此

蓼多食發心病註蓼和生魚食之令人奪氣陰核痠痛註孫思邈曰食蓼過多有毒發心病以氣味辛溫故也生魚酢

廣合食則相犯奪氣也陰校痛亦濕熱致病耳

芥菜不可共兔肉食之成惡邪病註凡物性相反不可同食同食則成惡邪病

小蒜多食傷人力註小蒜辛溫有小毒若多食氣散故傷心力

食躁式躁方按食躁式躁之式字當是或字應改之註食躁或躁者即今之食後時或惡心欲吐不吐之病也故以鼓

湯吐之鼓濃煮汁飲之

鈎吻與芹菜相似誤食之殺人解之方註太陰之精名曰鈎吻入口則死葛洪云鈎吻生處無他草蔓上有毛薺茺

兩右一味水六升煮取二升溫分二服

菜中有水蓂若葉圓而光有毒誤食令人狂亂狀如中風或吐血治之方甘草煮汁服之即解

春秋二時龍帶精入芹菜中人偶食之為病發時手青腹滿痛不可忍名蛟龍病治之方硬糖斤三右一味日兩

度服之吐出如蜥蜴三五枚差兩芹生陂澤之中蛟龍雖變化莫測其精焉能入此大抵是蜥蜴蛇春夏之交

遺精於此耳且蛇嗜芹尤為可證按外臺秘要云蛟龍子生在芹上誤食入腹變成龍子飴粳米杏仁乳餅煮粥食

之吐出蛟子大驗張機用硬糖治之考本草並無硬糖當是粳米飴糖無疑二物味甘甘能解毒是也

食苦瓠中毒治之方黍穰煮汁數服之解註風俗通云燒穰可以殺瓠又云種瓜之家不燒漆物性相畏有如是也

人過食苦瓠吐利不止者以黍穰汁解之本諸此

扁豆寒熱者不可食之註扁豆性滯而補如患寒熱者忌之

久食小豆令人枯燥註小豆即赤豆也性主利水久食令肌膚枯燥

食大豆屑忌噉猪肉註大豆即黃豆也若同猪肉食之則閉氣故忌之小兒尤當忌之

大麥久食令人作癰註李延曰癰疥同蓋麥入心久食則心氣盛而內熱內經曰諸瘡瘍皆屬心火故作癰

白黍米不可同飴蜜食亦不合葵食之註黍米多熟多食心煩飴蜜味甘多食中滿食療云黍米同葵食成癰疾物性

相反如此

菽麥麵多食之令人髮落按此義未詳

鹽多食傷人肺註鹽味鹹過食傷肺發嗽哮喘

食冷水人齒

食熱物勿飲冷水註寒熱相搏脾胃乃傷

飲酒食生蒼耳令人心痛註酒性純陽蒼耳味苦有毒苦先入心飲酒以行其毒故心痛

夏月大醉汗流不得冷水洗着身及使扇即成病註夏月飲酒汗流則腠理開若浴水及使扇寒風相搏或即成黃汗

或即成漏風戒之慎之

飲酒大醉炙腹背即令人腸結註多家云毋炙大醉人即此義也

醉後勿飽食發寒熱註醉則肝膽之氣肆行木來侮土故曰勿飽食發寒熱

飲酒食猪肉卧秫稷穰中則發黃註酒性多濕多熱飲酒食肉則濕熱交蒸於中宮卧秫稷穰中則濕熱困於外故發

食飴多飲酒大忌註云酒家忌甘此義未詳

凡酒及水照見人影動者不可飲之註見此影動者乃怪異也切不可飲之

醋合酪食之令人血癥註酪性粘滯醋性酸收故令成血癥

食白米粥勿食生蒼耳成走注註白米粥蒼耳子同食成走注病必然性味不合也

食甜粥已食鹽即吐註粥甘鹽鹹先食甜已後過食鹽即吐理必然也

犀角筋攪飲食沫出及澆地墳起者食之殺人註抱朴子云犀食百草及衆木之棘故知飲食之毒若攪飲食沫出者

必有毒也澆地墳起者此怪異也故食之殺人

飲食中毒煩滿治之方 苦參三 苦酒一升 右二味煮三沸三上三下服之吐食出即差 苦參味苦苦酒味

酸酸苦涌泄而去其毒煩滿自除

又方 犀角湯亦佳註中毒煩滿毒在胃中犀角解胃中毒

貪食食多不消心腹堅滿痛治之方 鹽一升 水三 右二味煮令鹽消分三服當吐出食便差 鹽鹹能軟堅又

能涌泄堅滿自除

礬石生入腹破人心肝亦禁水註礬性酸澀無故用之傷心肝礬得水則化物性相畏故亦禁水

商陸以水服殺人註商陸大毒能行水而忌水服物性相惡而然

葶藶子傳頭瘡藥氣入腦殺人註葶藶大寒雖能傳瘡殺蟲然藥氣善能下行則瘡毒亦內攻入腦矣故殺人

水銀入人耳及六畜等皆死以金銀著耳邊水銀則吐註水銀大毒入耳則沉經墜絡皆能死人以金銀著耳門引之

則吐出物性感召之理猶磁石之引針也

苦棟無子者殺人註苦棟有雌雄兩種雄者無子根亦有毒服之使人吐不能止有至死者雌者有子根白微毒可入

藥用

凡諸毒多是假毒以投無知時宜煮薺芩甘草汁飲之通除諸毒藥註凡諸毒多借飲食以投毒而服毒之人原自不

知若覺之則時時煮甘草薺芩湯飲之以二物能解草石百毒也

卷二十五

訂正仲景全書金匱要略註正誤存疑篇

金匱要略一書其世遠而就闕誤也與傷寒論等如掣飢之聲字與緩中補虛用大黃虜蟲圓主之之類俱不可

以為法爰加斟酌其改移刪補諸式與夫存疑之二十八條悉倣傷寒論叙次云

金匱要略正誤

藏府經絡先後第一

師曰病人語聲寂然喜驚呼者骨節間病語聲啞啞然不徹者心膈間病語聲啞啞然細而長者頭中病按頭中病之

頭字當是腹字經中從無頭中病之文且文義不屬當改之

師曰吸而微數其病在中焦實也當下之即愈虛者不治在上焦者其吸短在下焦者其吸促此皆難治呼吸動搖振

振者不治按吸促之促字當是遠字吸遠之遠字當是促字方合病義當移之

問曰寸脈沉大而滑沉則為實滑則為氣實氣相搏（血）氣入藏即死入府即愈此為卒厥何謂也師曰唇口青身

冷為入藏即死如身和汗自出為入府即愈按寸脈沉大而滑沉則為實滑則為氣實氣相搏之十八字文理不順行

冷為入藏即死如身和汗自出為入府即愈按寸脈沉大而滑沉則為實滑則為氣實氣相搏之十八字文理不順行

文也當刪之血氣入藏之血字當是厥字始與卒厥相合當改之

問曰陽病十八何謂也師曰頭痛項腰脊臂脚掣痛陰病十八何謂也師曰欬上氣喘噦咽腸鳴脹滿心痛拘急五藏病各有十八合為九十病人又有六微微有十八病合為一百八病五勞七傷六極婦人三十六病不在其中清邪居上濁邪居下大邪中表小邪中裏（榮）既之邪從口入者宿食也五邪中人各有法度風中於前寒中於暮濕傷於下霧傷於上風令脈浮寒令脈急霧傷皮膚濕流關節食傷脾胃極寒傷經極熱傷絡（按）字典無榮字當是榮字榮音傾側水也後之積聚門榮氣之榮字亦誤

問曰病有急當救裏救表者何謂也師曰病醫下之續得下利清穀不止身體疼痛者急當救裏後身體疼痛清便自調者急當救表也（按）此條註詳見傷寒論太陽篇內故不復釋

夫諸病在藏欲攻之當隨其所得而攻之如渴者小便不利與豬苓湯餘皆倣此（按）如渴者之下當有小便不利四字必是遺失當補之

瘕濕喝第二

病者身熱足寒頸項強急惡寒時頭熱面赤目赤獨頭動搖卒口喎背反張者瘕病也（若發其汗者寒濕相搏其表益虛即惡寒甚發其汗已其脈如蛇按瘕病也之下諸句與上文義不屬與後條之為欲解脈如故諸句文義相屬宜分於彼）

太陽病發熱無汗（反）惡寒者名曰剛瘕（按）反惡寒之反字衍文也玩瘕病之條自知當惡寒也宜刪之若發其汗者寒濕相搏其表益虛即惡寒甚發其汗已其脈如蛇（暴腹脹大者）為欲解脈如故反伏弦者瘕（按）暴腹脹大者五字衍

文也當刪之

瘕病第四

師曰瘕脈自弦弦數者多熱弦遲者多寒弦（小）緊者下之差弦緊者可溫之弦浮緊者可發汗鍼灸也弦（浮）大者可吐之弦數者風發也以飲食消食止之（按）弦小緊者之小字當是沉字則有可下之理弦緊者當是弦浮緊則有可發汗之理弦浮大者當是弦滑大則有可吐之理且不遺本文瘕脈自弦之意當改之補之

師曰陰氣孤絕陽氣獨發則熱而少氣煩冤手足熱而欲嘔名曰瘧瘧若但熱不寒者邪氣內藏於心外舍分肉之間令人消鑠肌肉按此言瘧瘧其文脫簡內經已詳不復釋

溫瘧者其脈如平身無寒但熱骨節疼煩時嘔白虎加桂枝湯主之按此言溫瘧其文脫簡內經已詳不復釋

中風歷節第五

寸口脈浮而緩則為虛榮緩則為亡血衛緩則為中風邪氣中經浮者血虛絡脈空虛賊邪不瀉或左

或右邪氣反緩正氣即急正氣引邪鳴僻不遂邪在於絡肌膚不仁邪在於經即重不勝邪入於府即不識人邪入於

藏舌即難言口吐涎按寸口脈浮而緊緊則為寒浮則為虛寒虛相搏邪在皮膚此五句原文在本條之首當在後條

之首寸口脈遲而緩遲則為寒緩則為虛榮緩則為亡血衛緩則為中風邪氣中經此六句原文在後條當在此條之

首文氣始各得相屬必係錯簡當移之其中有浮者血虛一句必是衍文當刪之寸口脈遲而緩遲則為寒二遲字當

是浮字寒字當是風字始與文義了然且遲緩二脈不能並見當改之

寸口脈浮而緊緊則為寒浮則為風虛風相搏邪在皮膚則身癢而癢疹心氣不足邪氣入中則胸滿而短氣按浮

則為虛寒虛相搏二虛字應是風字當改之

味酸則傷筋筋傷則緩名曰泄泄鹹則傷骨骨傷則痠名曰枯枯泄相搏名曰斷絕榮氣不通衛不獨行榮衛俱微三

焦無所御四屬斷絕身體羸瘦獨足腫大黃汗出脛冷假令發熱便為歷節也病歷節不可屈伸疼痛烏頭湯主之按

名曰斷泄之泄字當是絕字始與下文相屬當改之

諸肢節痠痛身體羸羸脚腫如脫頭眩短氣溫溫欲吐桂枝芍藥知母湯主之按溫溫應是溫溫當改之

血痺虛勞第六

人年五六十其病脈大者痺俠背行若腸鳴馬刀俠瘰者皆為勞得之按若腸鳴三字與上下文不屬必是錯簡

當刪之使瘰之瘰字當是瘰字且先勞後瘰先瘰後勞者有之從未見勞瘰先後病也當改之

勞之為病其脈浮大手足煩春夏劇秋冬瘥陰寒精自出瘦削不能行按陰寒精自出之寒字應是虛字當改之

醫宗金鑑卷二十五訂正金匱要略正誤存疑篇上海廣益書局印行

男子面色白者主渴及亡血卒喘悸脈浮者裏虛也按脈浮者裏虛也句當是衍文

夫失精家少腹弦急陰頭寒目眩髮落脈極虛芤遲為清穀亡血失精脈得諸芤動微緊男子失精女子夢交桂枝龍骨牡蠣湯主之按此條脈得諸芤五句與上文義不屬衍文也另分一條在本門十二條之次

脈弦而大弦則為減大則為芤減則為寒芤則為虛虛寒相搏此名為革婦人則半產漏下男子則亡血失精按此條註詳見傷寒論辨脈篇內故不復釋

五勞七傷虛羸瘦腹滿不能飲食緩中補虛食傷憂傷飲傷房室傷飢傷勞傷經絡榮衛氣傷內有乾血肌膚甲錯兩目

黯黑大黃虻蟲圓主之按兩目黯黑句下緩中補虛四字當在不能飲食之下必是傳寫之謬當移之

肺痿肺癰欬嗽上氣第七

問曰病欬逆脈之何以知此為肺痿肺癰當有膿血吐之則死其脈何類師曰寸口脈濇而數濇則為風數則為熱

則汗出數則惡寒風中於衛呼氣不入熱過於榮吸而不出風傷皮毛熱傷血脈風舍於肺其人則咳口乾喘滿咽燥

不渴時唾濁沫時振寒熱之所過血為之凝滯畜結癰膿吐如米粥始萌可救膿成則死按肺癰之上當有肺痿二字不然本文論肺痿之義則無著落必是脫簡當補之脈微之三微字當是三浮字始與文氣相屬當改之

按逆上氣咽喉不利止逆下氣者麥門冬湯主之按大逆上氣之大字當是火字文義病藥始相屬當改之

腹滿時減復如故此為寒當與溫藥宜厚朴生薑甘草半夏人參湯主之按此篇無治虛寒腹滿之方當與溫藥之下

當有宜厚朴生薑甘草半夏人參湯主之十四字必是脫簡開傷寒論太陰篇自知當補之病者痿黃痿黃而不渴

胃中寒實而利不止者死按躁而不渴當是燥而不渴文氣通順胸中寒實當是胃中寒實若是胸中寒實如何曰下利不止者死當改之

其脈數而弦乃弦狀如弓弦按之不移脈數弦者脈緊大而遲者必心下堅當下其寒脈大而緊者陽中有陰可下之

按其脈數而緊乃弦狀如弓弦按之不移脈數弦者脈緊大而遲者必心下堅當下其寒脈大而緊者陽中有陰可下之

當在必心下堅之下文義始屬當移之

此為代讀，需要完整PDF請訪問：www.ertongbook.com